



12. august 2011

UPA 2012/24

EM 2011/117

Inartsisartut suleriaasianni § 33 malillugu matumuuna aaliangiiffigisassatut siunnersuut imattoq nassiunneqarpoq:

Inatsisartut aalajangiiffigisassaattut siunnersuut Naalakkersuisut pisussaatinneqassasut qallunaat naalakkersuisui atassuteqarfigissagaat, anguniarlugu USA-mi, Tysklandimi Ruslandimilu qallunaat allartitaqarfiinut atasunik Naalakkersuisut siniisussaannik atorfinititsisoqassasoq kalaallit soqtigsaannik ingerlatsisussanik, Namminersorluni Oqartussaanermut inatsimmi § 15 tunngavigalugu.

(Inatsisartuni ilaasortat Knud Kristiansen aamma Siverth K. Heilmann, Atassut)

Tunngavilersuut:

Aningaasatigut nalorninartorsiornerup erseqqissumik takuteqqippaa nunat nunastsinnit tunisifiusartut tulaaaavigilluarnerisa pingaaruteqassusiat. Nunani allamiut kalaallit tunisassiaanik pisiortor-tartut aallartitaqarfigissallugit miueqatiginninnissami pingarutilerujussuuvooq, aamma Nunatta aningasaqarniarnera eqqarsaatigalugu. Isumaqarpugut USA niuerneq pillugu aamma kalallit ilinniagaqartut periarfissaqarnisaannut periarfissarissaartoq, taamaammat tassani aallartitaqaler-nissaq kissaatigaarput. Aamma isumaqarpugut Europamut aamma Kalallit Nunaannut pingaarute-qaleraluttuinnarluni inissikkiartortoq. Taassuma saniatigut Ruslandimut attaveqarluarneq pilersinne-qarlunilu ingerlatiinnarneqassasoq, aamma nunani issittuni pingaaruteqarnera pissutigalugu. Tyskland tassaavoq Danskit tunisassiaannik pisortornerpaq, taamaammat isumaqarpugut pingaaruteqartoq kalaallit tyskillu suleqatigiinnissaata pilersinneqarnissaa.

Kalaallit suliffeqarfiutaasa nittarsaanniarnerinut kalaallit aallartitaqarfii pingarutilerujussuanngorsinnaapput, USA-mut, Ruslandimut aamma Tysklandimut attaveqarluarnermut periarfissanik pitsaanngortitsisinnaallutik. Kalaallit aallartitaasa kalaallit suliffeqarfiutaat ilisarineqarnerulernissaannut suliniarsinnaapput, suliffeqarfiit ersarinnerusunngorlugit nunarsuarmioqatigiillu unammileqatigiinneranni pitsaaneruseumik inississinnaangortillugit.

USA-mi, Ruslandimi Tysklandimilu aallatitaqarneq aamma kulturikkut sunniuteqarluarsinnaavoq. Nunani taakkunani kulturikkut takutitsisarnerit piareersartarnissaannut iluaqtaasalerumaartut neriuutigaarput, soorlu eqqumiitsulianik takutitsineremi nipilersonerniluunniit
Aallartitaqarfii aamma suliarisinnaavaat USA-mi, Ruslandimi aamma Tysklandimi inuusuttortatta ilinniaqqinnissamut periarfissaasa ilikkarnissaannut.

USA-mi, Ruslandimi aamma Tysklandimi kalaallit aallartitaqalenissaat politikkut, aningaasariornikkut kulturikkullu pingaaruteqassaaq. Naatsorsuutigaarput Bruxellesimi qallunaat

aallartitaqarfianni kalaallit aallartitaqalesimanerattut periuseqarluni aallartitaqarfiliortoqassasoq, soorlu aamma Savalimmiormiut assersuutigalugu Londonimi aallartitaqartut, tassani qallunaat aallartitaqarfiata ilaatut.

Aningaasatigut allaffissornikkullu pisortanut kingunissai:

Naatsorsuutigaarput aningaasatigut allaffissornikkullu siunnersuut kinguneqassasoq. Namminersornermi inatsimmi § 15, 2 malillugu qallunaat aalajangersinnaapput Naalakkersuisut sinnisaat Naalakkersuisunit aningaasalersorneqassasut. Sanilliussinnaavarput Bruxellesimi aallartitaqarneq 2012-umi 4,1 millioner koruuninik ingerlatsinermut aningaasartuutaassasoq. Tamanna aamma USA-mi, Ruslandimi aamma Tysklandimi aallartitaqarfiiit taamatut aningaasartuutaassasut naastorsuutigineqarsinnaavoq. Kalaallit aallartitaqalernissaata aallartinnerani aningaasartuuteqangaatsiarnissaq naatsorsuutigisariaqarpoq, kisianni Danmarkimi Nunanut allanut ministerryaqarfiiup qanoq isumaqatigiiffiginissaa apeqquaassaaq. Naatsorsuutigaarput aallartitaqarfinni pingasuusuni ataatsimik aallartitaqarfimmi pisortaqassasoq aamma allartitaqarfimmi allatseqassasoq. Siunnersuut Namminersorlutik Oqartussanut ukiumut 12,3 millioner koruuninik aallaqqammut aningaasartuutaanerulissaq.

Aningaasatigut allaffissornikkullu namminersorlutik inuussutissarsiuteqartunut kingunissai:

Naatsorsuutigaarput Inatsisartut aalajangererat kingusinnersoq eqarsaatigalugu namminersorlutik inuussutissarsiuteqartunut iluaqutaalerumaartoq. Kisianni isumaqanngilagut namminersorlutik inuussutissarsiutilinnut aningaasatigut allaffissornikkullu allamik kinguneqarumaartoq.

Aningaasatigut allaffissornikkullu inunnut ataasiakkaanut kingunissai:

Naatsorsuutiginngilarput aningaasatigut allaffissornikkullu inunnut ataasiakkaannut kinguneqarumaartoq.